

Cussagl da cumün

Protocol nr. 17 da ls sezzüda dals 10 november 2009

S-chüsà: Jon Steivan Morell, cumischiun sindicatoria

Preventiv 2010

Il Cussagl e la cumischiun sindicatoria repassan il preventiv pel 2010. Il capo e'l chanzlist han gnü fingià ouravant plüssas discussiuns culs cusgliers per provar a far il pussibel per redüer las sortidas. Il Cussagl es satisfat da pudair preschantar ün preventiv cun ün relativ pitschen s-chavd da fr. 39'510.--. Las entradas s'amuntan a fr. 4'971'890.--. Las sortidas surpassan cun fr. 5'011'400.-- per la prüma jada ils tschinch milliuns. Siond cha las entradas sun limitadas esa üna gronda sfida pel cumün da pudair accumplir plü bain pussibel tuot ils dovairs.

In vista al grond volumen da lavur sül sector da fabrica ha decis il Cussagl dad investir l'on chi vain be il plü necessari. Las investiziuns nettas previssas pel 2010 importan fr. 284'000.--. Quai permetta al cumün da restituir credits da banca e da diminuir uschea ils debits.

Il Cussagl approvescha il preventiv a man da la radunanza dals 1. december 2009.

Acquist da bains tras personas a l'ester

Il Cussagl propuona a la radunanza da laschar eir per l'on chi vain la quota da 25 % per l'acquist da bains tras personas a l'ester.

Il capo: sig. Reto Pedotti

L'actuar: sig. Andri Florineth

publichà als 17/11/2009